



RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;

Telefoni-Centrala: 00387 35 870-600; 875-010; Fax: 00387 35 875-166

Rješenje Kantonalnog suda Tuzla br: U/I-0891/98.

ID PDV broj: 209329530001

Identifikacijski broj: 4209329530001

Porezni broj: 03421100

www.rmub.ba



Broj: 15844 /21

Datum: 19. 08. 2021. godine

Edi S

Na osnovu člana 64. stav (1) tačka b), člana 25. člana 70. stavovi (1), (3) i (6) Zakona o javnim nabavkama (Sl. Glasnik BiH broj: 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 34. Pravilnika o javnim nabavkama roba, usluga i radova broj 5764/15 od 13.05.2015. godine, na Preporuku Komisije za nabavku iz Zapisnika o pregledu i ocjeni ponuda broj: 175aZC/21 od 02.08.2021.godine, u postupku javne nabavke: VIJČANA ROBA, (C-R 44/21), Ugovorni organ RMU „Banovići“ d.d. Banovići, je donio:

ODLUKA o izboru najpovoljnijeg ponuđača

Član 1.

Prihvata se Preporuka Komisije za nabavku iz Zapisnika o pregledu i ocjeni ponuda broj: 175aZC/21 od 02.08.2021.godine i Ugovor za javnu nabavku „VIJČANA ROBA“, broj nabavke C-R 44/21, dodjeljuje se ponuđaču „RIMENERG“ d.o.o. BANOVIĆI, ponuda br. P-50/21 od 29.07.2021. godine, za ponuđenu cijenu u iznosu od 699,73 KM bez PDV, kao najpovoljnijem ponuđaču.

Član 2.

Izabrani ponuđač je dužan da u roku od 5 (pet) dana od dana dostavljanja ove Odluke dostavi originale ili ovjerene kopije dokumentacije iz člana 45. Zakona o javnim nabavkama. Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovorni organ će postupiti u skladu sa odredbama Zakona o javnim nabavkama.

Član 3.

Prijedlog Ugovora o nabavci dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objaviće se na internet stranici Ugovornog organa (www.rmub.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. (6) Zakona o javnim nabavkama.

Član 5.

Za izvršenje ove Odluke zadužuje se i ovlašćuje Komerrijalni sektor.

Član 6.

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 13274/21 od 13.07.2021.godine. Javna nabavka je sprovedena otvorenim postupkom. Procijenjena vrijednost javne nabavke bez PDV je 700,00 KM.

Obavještenje o nabavci broj: 565-1-1-209-3-296/21 objavljeno dana 13.07.2021.godine. Sažetak obavještenja objavljen u Službenom glasniku BiH broj: 44/21 od 16.07.2021.godine.

Komisija za nabavku imenovana je Rješenjem broj: 15001/21 od 06.08.2021. godine.

Komisija za javnu nabavku dostavila je Direktor Društva Zapisnik o pregledu i ocjeni ponuda broj: 175aZC/21 od 02.08.2021.godine, u postupku javne nabavke: Vijčana roba, (C-R 44/21).

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 2 ponude,
- da su blagovremeno primljene 2 ponude,

- da nije bilo neblagovremeno primljenih ponuda,

- Ponuda ponuđača „HASANAGIĆ“ d.o.o. BANOVIĆI nije kvalifikovana iz sljedećih razloga:

Dopisom broj 15561/21 od 16.08.2021. godine zahtijevano je od ponuđača Hasanagić d.o.o. Banovići pojašnjenje ponude za neprirodno niske cijene u postupku Javne nabavke „Vijčana roba“.

U skladu sa članom 66. stav 2. Zakona o javnim nabavkama BiH ponuđač je dužan da pismeno dostavi detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene. Ugovorno organ uzima u razmatranje objašnjenja koja se na primjeren način mogu odnositi na:

- a) ekonomičnost proizvodnog procesa, pruženih usluga ili građevinske metode;
- b) izabrana tehnička rješenja i/ili izuzetno pogodne uslove koje ponuđač ima za dostavljanje robe ili usluga ili za izvođenje radova;
- c) originalnost robe, usluga ili radova koje je ponuđač ponudio;
- d) usklađenost sa važećim odredbama koje se odnose na radnu zaštitu i uslove rada na mjestu gdje se isporučuje roba, pruža usluga ili izvodi rad;
- e) mogućnost da ponuđač prima državnu pomoć.

U obrazloženju nisu dostavljene detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene.

Obrazloženje je u suprotnosti sa konceptom TD jer u TD je traženo da se u ponudi dostavi jedinična cijena robe bez iskazanih potrebnih količina što implicira da određivanje zaliha u ovom slučaju nema smisla.

Dakle, ni jedan dobavljač ne posjeduje informacije o količinama, odnosno potrebama ugovornog organa za pojedinim stavkama robe, koje će biti predmet okvirnog sporazuma, tako da određivanje cijene pojedinih stavki prema količinama robe na zalihama nema smisla. Takođe, niste dostavili relevantan dokaz da uopšte postoje zalihe kod Vašeg dobavljača, kao ni dokaz da se u Vašoj ponudi radi o cijenama iz perioda „ prije enormnog poskupljenja čelika “. Dakle, nije naveden period u kojem je prema Vašim tvrdnjama došlo do enormnog poskupljenja čelika.

S tim u vezi objašnjenje za neprirodne niske cijene koji je ponuđač Hasanagić d.o.o. Banovići dostavio putem dopisa broj: 112-08/21 od 17.08.2021.g prema Članu 66. Stav 2. Zakona o javnim nabavkama BiH se ne može uzeti u razmatranje.

Tenderskom dokumentacijom određeno je da je minimalan garantni rok 24 mjeseca od momenta isporuke određene količine robe, te ponude sa manjim garantnim rokom neće se uzimati u razmatranje. Ponuđač „Hasanagić“ doo nije dao garanciju na kompletno isporučeno robu već samo na količinu 1 komad. Dalje isti ponuđač nije dao garanciju na robu od momenta ugradnje. Dakle, ugradnjom robe prestaje da vrijedi garancija od momenta isporuke.

(Tačkom 6.1.5. Tenderske dokumentacije navedeno je da zbir cijena iz ponude, odnosno ukupan iznos ponude bez PDV-a služiće samo u svrhu poređenja ponuda obzirom da je kriterij za ocjenu ponuda „najniža cijena“ ali ne i na isporuku. Stim u vezi navedeni ponuđač nije dao garanciju na robu koju će isporučiti okvirnim sporazumom.)

Stavom 8.8.1. tenderske dokumentacije tačno je definisano sljedeće:

„Da bi učestvovali u postupku javne nabavke ponuđači trebaju dostaviti u originalu bezuslovnu bankarsku garanciju za ozbiljnost ponude (u daljem tekstu: garancija za ponudu). Iznos tražene garancije za ponudu je 1.500,00 KM (riječima: jednahiljadapetstotina, 00/100 KM) i rok važenja garancije je 90 dana računajući od dana koji je određen za prijem i otvaranje ponuda.“
Shodno tome, Ponuđač „Hasanagić“ d.o.o. Banovići, u svojoj Ponudi broj 98-07/21, dostavio bankarsku garanciju na kojoj se ne može utvrditi da je originalna. Dakle, bankarska garancija koja je sastavni dio Ponude, nema obilježje „ORIGINAL“, odnosno ista je u suprotnosti sa uslovima definisanim tenderskom dokumentacijom i kao takva nije prihvatljiva (Član 3. stav 1., 2. i 3. - Način dostavljanja garancije za ozbiljnost ponude, Pravilnika o formi garancije za ozbiljnost ponude i izvršenje ugovora).

Numeracija ponude nije u skladu sa ZJN i izvršena na način da su pojedine stranice dvostruko numerisane što dovodi u sumnju na samu ispravnost ponude.

Proizvođač naveden u Ponudi broj 98-07/21 „METEOR“ nije sposoban kvalitativno i kvantitativno odgovoriti zahtjevima proizvodnje robe koja je predmet Javne nabavke „Vijčana roba“. Firma METEOR se primarno bavi proizvodnjom subova za rasvjetu.

Ponuđač „Hasanagić“ d.o.o. Banovići, u svojoj Ponudi 98-07/21 nije popunio nacrt ugovora i okvirnog sporazuma. Dakle nacrt ugovora i nacrt okvirnog sporazuma ne sadrži osnovne elemente (podatke o isporučiocu robe).

- da je Ponuda ponuđača „RIMENERG“ d.o.o. BANOVIĆI prihvatljiva, dostavljeni su svi traženi dokazi propisani tenderskom dokumentacijom, na propisan način.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog: „Najniže cijene“, odnosno broja bodova izračunatih na osnovu kriterijuma utvrđenih u Obavještenju o nabavci i Tenderskoj dokumentaciji, kako slijedi:

Kriterijum za izbor je „Najniža cijena“.

Naziv i sjedište ponuđača		Cijena, KM bez PDV
1	RIMENERG d.o.o. BANOVIĆI	699,73 KM

Rangiranje kvalifikovanih ponuda:

Naziv ponuđača		Konačna cijena, KM bez PDV	Rang
1	RIMENERG d.o.o. BANOVIĆI	699,73 KM	1

- Naziv ponuđača čija je ponuda ocijenjena kao najpovoljnija:

1	Naziv ponuđača	RIMENERG d.o.o. BANOVIĆI
2	Sjedište i adresa	Zanatska br.15, Banovići
3	Ukupna cijena ponude, KM bez PDV	699,73 KM
4	Rok isporuke	30 dana od dana prijema narudžbenice
5	Uslovi i način plaćanja	Odgođeno, 60 dana od dana prijema narudžbenice
6	Paritet	DDP RMU „Banovići“ dd Banovići
7	Vremenska garancija	24 mjeseca za svaku pojedinačnu stavku
8	Podaci o dijelu ugovora koji se daje u podugovor i podaci o podizvođaču, ako je primjenjivo	Ponuđač ne namjerava sklapati podugovor sa trećom stranom

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama (Sl. Glasnik BiH broj: 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 34 Pravilnika o javnim nabavkama roba, usluga i radova broj 5764/15 od 13.05.2015. godine, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: ARMIJE BIH 52,75290 Banovići. Žalba se podnosi u najmanje 3 (tri) primjerka.

Dostaviti:

- Ponuđačima
- a/a

Direktor
Elvir Salihović, dipl.ecc



Transakcijski računi:

161 0250 007 190075 Raiffeisen bank d.d. BiH, filijala Tuzla
132 1300 309 179345 NLB Banka d.d. Tuzla, filijala Banovići
187 2000 000 044917 Postbank BH d.d. Sarajevo, filijala Živinice
154 3602 003 310866 Intesa Sanpaolo banka d.d. BiH

306 0450 000 163538 Hypo Alpe Adria bank Bosnia d.d.
140 4010 018 681113 Sberbank BH d.d. Sarajevo
186 0001 048 962098 Turkish Ziraat bank Bosnia d.d.
338 4402 212 197081 UniCredit banka d.d. Mostar
555 0530 049 467130 Nova banka AD Banja Luka, ekspozit. Tuzla